

Kort om tilskot til utvikling av sosiale tenester i Nav-kontoret

Tilskotsordninga skal bidra til å skape eit heilskapleg og samordna tenestetilbod tilpassa behova til brukarane.

Frist for å søkje tilskot

Søknadsfristen er 1. februar 2025.

Kva er føremålet med tilskotsordninga?

Føremålet er å stimulere til utvikling av dei sosiale tenestene og tiltaka i kommunane etter sosialtenestelova.

Sosialtenestelova har som formål å betre levekåra for dei vanskelegstilte, og skal

- bidra til sosial og økonomisk tryggleik slik at den enkelte får høve til å leve og bu sjølvstendig, fremje overgang til arbeid, sosial inkludering og aktiv deltaking i samfunnet
- bidra til at utsette barn og unge og familiane deira får eit heilskapleg og samordna tenestetilbod
- bidra til likeverd, likestilling og førebyggje sosiale problem

Gjennom nye arbeidsmetodar og samarbeidsformer, skal innbyggjarane i kommunen oppleve auka kvalitet i tenestene og ei betring av levekåra.

Det overordna målet med tilskotsordninga er å skape eit heilskapleg og samordna tenestetilbod tilpassa behovet til brukarane.

Det blir ikkje gitt tilskot til:

- Implementering av ferdig utvikla metodar og arbeidsmåtar.
- Søknader som berre beskriv kapasitetsauke i tenesta.

Målgruppe for tiltaka

Målgruppa for ordninga er sosialt og økonomisk vanskelegstilte som har behov for sosiale tenester, og andre som står i fare for å kome i ein vanskeleg livssituasjon.

Kven kan søkje om tilskot?

Nav-kontor kan søkje om tilskot til utvikling av dei sosiale tenestene.

Kva område er prioriterte i 2025?

Følgjande utviklingsområde vil bli særskilt prioriterte i 2025:

Barnefamiliar, ungdom og bustadsosialt arbeid er særleg prioriterte område.

Vidare er prioriterte område:

- Heilskapleg og samordna tenestetilbod tilpassa behovet til brukarane.
- Arbeid med innvandrarar og langtidsmottakarar av sosiale tenester.
- Samarbeid mellom tenester mellom anna under straffegjennomføring og sikring av sårbare overgangar, mellom anna etter gjennomført straff, mellom utdanning og arbeidsliv og mellom ulike tenester som barnevernet og Nav.
- Førebygging og/eller tidleg innsats.

Kor stort er tilskotet?

Det blir gitt inntil 750 000,- kroner per 100 prosent stilling.

Som følgje av at stillingsbeløpet vart justert opp blir det ikkje tildelt kompetansemidlar i 2025.

Sjølv om den totale ramma for tilskotet har auka, er det færre midlar til nye stillingar og tiltak enn det var i 2024.

Rapportering

Fristen for status- og rekneskapsrapportering er 1. februar 2026.

Tidsperiode for tilskot

Tilskot blir primært gitt for eitt år frå oppstartsdato, men det kan givast i inntil 36 månader til same tiltak.

Søknad

Kontakt statsforvaltaren i fylket ditt viss du har spørsmål eller treng rettleiing. Utfylt søknad blir signert og sendt til statsforvaltaren.

[Søk tilskot](#)

Kontakt statsforvaltaren i fylket ditt

E-postadresse	Telefonnummer
Statsforvaltaren i Agder	37 01 75 00

Statsforvaltaren i Innlandet	61 26 60 00
Statsforvaltaren i Møre og Romsdal	71 25 84 00
Statsforvaltaren i Nordland	75 53 15 00
Statsforvalterne i Østfold, Buskerud, Oslo og Akershus sfospost@statsforvalteren.no	69 24 70 00
Statsforvaltaren i Rogaland	51 56 87 00
Statsforvaltaren i Troms og Finnmark	78 95 03 00
Statsforvaltaren i Trøndelag	74 16 80 00
Statsforvaltaren i Vestfold og Telemark	33 37 10 00
Statsforvaltaren i Vestland	57 64 30 00

Tips til kontor som ønskjer å søkje **Om rettleiing og inspirasjon**

- Kontakt statsforvaltaren i fylket ditt viss du har spørsmål eller treng rettleiing.
- Det blir tilbode søknadsstøtte til alle Nav-kontor. Påmelding til informasjonsmøte 18 desember : <https://delta.nav.no/event/c5b50770-a084-4ead-831b-865c0846b4e9>. (Gjennomføring av søknadsstøtta gir ingen prioritet når søknadene blir vurderte, alle søknadene blir vurderte på likt grunnlag.)
- Sjå eiga side på Navet (intranettet) «Tilskot til utvikling av dei sosiale tenestene i Nav-kontoret» for inspirasjon og informasjon om og frå tilskotsmottakarar.
- Sjå eigne sider på nav.no om Navs FoU plan 2021-2025 og programnotatet for sosiale tenester, <https://www.nav.no/no/nav-og-samfunn/kunnskap/fou-midler/fou-i-nav2>

Om utarbeiding av tiltaket

- Ha ei brukarorientert tilnærming til utviklingsarbeidet.
- Planlegg for implementering frå start.
- Ha ei god forankring, organisering og tydeleg plan(ar).
- Bruk levekårsutfordringar i kommunen som bakteppe for søknaden.
- Bruk utviklingstilskotet som eit verkemiddel i arbeidet med det samla velferdsansvaret til kommunen.

Om overordna fokus

- Sjå utviklingstilskotet i samanheng med arbeidet i kommunen med FNs berekraftsmål, barnekonvensjonen og liknande.
- Planlegg for implementering av aktuell nyare lovgiving
- Planlegg for utviklingsarbeid som er forankra i relevante nasjonale satsingar og strategiar.